



12. august 2011

UKA 2011/122

Inatsisartut Suleriaasianni § 36 naapertorlugu apeqquteqaat aallaavigalugu oqallinnissamik siunnersuut imaattoq matumuuna saqqummiuppara:

**Nuna tamakkerlugu utoqqaat illuisa nutaanngilisimaqisut ullutsinnut naleqqussarlugit aaqqissuunneqarnissaannik pilersaarusiornissaq pillugu apeqquteqaat aallaavigalugu oqallinnissamik siunnersuut.**

(Inatsisartunut ilaasorta, Ruth Heilmann Siumut)

**Tunnqavilersuut:**

Sinerissami utoqqarnut atugassarititaasut utoqqaat illuiniittut eqqarsaatigalugit atugaat ingammillu najugaqartitaanerat pitsaassutsikkut assigiinngissitaartorujussuusut inatsisartut angalasarnitsinni alakkarterigaangatta maluginiakkatsinnut ilaasarpog.

Sinerissami utoqqaat illui ilaqarput nutaanngilisimaqisunik aammalu inikilliuuttoqarnera annertusiartuinnartoq maluginiagassavoq, asserssuutigalugu Aasianni, Ilulissani, Narsami Paamiunilu.

Meeqkerivitsialammik piorsaaneq aallartisarneqarlunilu ingerlanneqalersog iluarisimaarneqarpoq, tassani aamma sulisut soorlu perorsaasut ilinniartitaanerat aamma aallunneqarnerulersog malunniusimammat.

Utoqqaat illuini sulisut ilinniarsimasut amerlanerulernissaannik siunertaqartumik tassunga assingusumik ingerlatsisoqarsinnaavoq, tamanna pisariaqarmat, taamaalilluni sulisut aalajaatsut siunissami pissarsiarineqarsinnaalissammata.

Ilanngullugu eqqartugassaqqissoq tassa nunaqarfinni utoqqaat qanoq eqqarsaatersuuteqarfigineqarnerpat? Qanoq najugaqartinneqarpat? ilami soqutiginarpoq pissutsit tamakkua tamarmik killiffisiornissaat qulaajaaffigineqarnissaallu.

Utoqqaat illuaniittut susassaqtitaasarnerat qanoq aallunneqartigaa? ukisiuaannannginnissaat anguniarlugu suut ingerlanneqartarpat? Suummi taava aamma ingerlanneqarsinnaagaluarpat? minnerunngitsumillu utoqqaat najugaqartut nammineerlutik sutigut suleqataasinnaanarpat?

Sutigut suleqataasinnaanerat qanoq aaqqissuussiffigineqartarpa aamma aaqqissuussiffigineqarsinava ?

Ilami suliassaq pisariaqarlunilu soqutiginarluinnarpoq, aammalu kommuninik aaqqissuuseq-qissimaneq ilutigalugu, KaNuKoKa Utoqqaat nipaattuumassuteqartullu suleqatigalugit soorlu utoqqaat illuini ningiut immikkullu ilisimasallit msilittagaqartullu peqatigalugit suliap piviusunngortinneqarnissaa pisariaqartoq isumaqarpunga.

- Utoqqaat illuini malittarisassat nunatsinnut tulluussakkat pilersinnissaat.

- Ineqartoq qitiutillugu paaqqutarineqarnissaanut malitassat pilersinneqarnissaat.
- Ineqartup aalajangersimasumik saaffigisaqartarnissaanik pilersitsisoqartassasoq (kontaktperson), taamaattumik sulisut aalajaatsuussasut.
- Sulisut ataavartumik pikkorissarneqartarnissaasa eqqumaffigineqarnissaat, taamaalilluni suliffeqarfik ineriartortoq aammalu suliarthfigissallugu kajuminnartoq pilissammat.
- Ulloq unnuarlu suliffiummat soorluttaaq sapaatip akunnerisa naanerini suliffiusoq taamaattumik akisussaaffinnik agguataarilluarnissaq qulakkeerneqaertariaqarpoq. Paaqqutarineqartut nakkutigineqarluartarnissaat, naligiinnerunissaannillu pisariaqartitsinerat aallaaviutillugu, utoqqalineq nuannersoq toqqissisimaffiusorlu aamma nunatsinni qulakkeerneqaqqullugu.